



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiārvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

Quare verbum Patris dicatur filius naturæ. M

urn:nbn:de:hbz:466:1-38829

tia, de sapientia, essentia, de essentia: quia hoc est omnino quod pater, non tamen pater; quia iste filius, ille pater.

Hilarius ad
principium
lib. 2.

Quare verbum patris dicatur filius nature.

INDE est quod solum vnigenitus Dei dicitur natura filius, quia eiusdem naturæ est, & eadem natura est cum patre. Vnde Hilarius in libr. de Trin. de Christo loquens ait, Naturæ filius est, quia eandem naturam quam ille qui genuit habet.

VTRVM PATER VOLVNTATE GENIT
filiū, an necessitate: & an volens vel nolens
sit Deus,

DISTINCTIO VI.

PRÆTEREA quæri solet, Vtrum pater genuerit filium voluntate, an necessitate. De hoc Orosius ad August. ita ait, Voluntate genuit pater filium vel necessitate: sed nec voluntate nec necessitate: quia necessitas in Deo non est, preire voluntas sapientiam non potest. quo circa, ut August. ait in 15. lib. de Trinit. ridenda est dialectica Eunomii, à quo Eunomij, à quo Eunomiani heretici orti sunt: qui cù non potuisse intelligere, nec credere voluisse vnigenitum Dei filium verbum Dei esse natura, id est, substantia patris genitū, non naturæ vel substantiæ dixit esse filium, sed filium voluntatis Dei; volens afferere accedētem Deo voluntate, qua gigneret filium. sicut nos aliquando aliquid volumus, quod antea non volebamus, propter quod mutabilis intelligitur nostra natura, quod absit ut in Deo esse credamus. Dicamus ergo verbum Dei esse filium Dei natura, non voluntate, ut docet Augustinus in decimoquinto lib. de Trinitate, vbi quendam catholicum heretico respondentem commendat dicens. Acutè sane quidam respondit heretico versutissimè interroganti, vtrum Deus

Aug. de tri-
nit. l. 15. a. 2.